

Матфин 15 бөлг.

1. Түүнэ хөөн Иисусур Иерусалимин дегтр бичдг улс болн фарисеймуд ирэд сурна:
2. «Юнгад Чини сурхульчнр медэтнрин дасхвр эс күцэжэхмб? Эдн өдмг идхлэрн харан уһахш.»
3. Иисус эднд иим хэрү өгв: «Юнгад тадн эврәннь дасхврин төлэ Бурхна зака эвджэхмбт?
4. Бурхн зака өгсмн: «Эцкэн болн экэн күндл» болн «Эврәннь эцкдэн болн экдэн догшн үгмүд келсн күн – үктхэ.»
5. Тадн болхла иигж келнэт: «Кемр күн эцкдэн эс гиж экдэн келхлэ: чи нанас авхар седсн юмн – эн Бурхнд тэвсн бэрц болжана,
6. тер күн эцкэн эс гиж экэн күндллго бээж чаджана.»
7. Хойр чирэтэ улс! Тадна тускар сээнэр Исаяя ээлдэч келсмн:
8. «Эн эмтн Нанур амарн болн үгмүдэрн өөрджэнэ, зуг эднэ зүркд Нанас хол.
9. Зуг эдн Намаг амарн тевчсн төлэд хоосн үлдх, юнгад гихлэ эдн эмтнэ сурһсн дасхврар болн авъясмудар бээцхэнэ.»
10. Иисус эмт дуудад келв: «Соңстн болн тодлж автн!
11. Ямаран болв чигн күүг терүнэ дотраснь һарчахнь бузрджана, зуг дотрнь орснь — бузрдашго.»
12. Тиигхлэ Терүнэ сурхульчнр өөрдж ирэд Иисуст келв: «Фарисеймуд эн үгмүд соңсад икэр уурлцхав.»
13. Иисус сурхульчнртан хэрү өгв: «Ямаран чигн урһмл, Мини эцк эс тэрсн болхла уңгтаһнь таслад авад хайгдх.
14. Тегэд тедниг үлдэтн. Тер сохр көтлэчнр сохр улсиг дахулж йовна. Кемр сохр сохран көтлхлэ, хамдан нүкнд унх.»
15. Пётр Терүнд келв: «Эн цецн келвр маднд цээлһтн.»
16. Иисус келв: «Тадн энүг ода күртл медж чаджахшийт?
17. Күүнэ амар орсн юмн, геснд орад цааран һардгнь тадн ода күртл меддговт?

18. Зуг амнас харсн – зүркнэс харчана. Эн кү бузрджана.
19. Юнгад гихлэ күүнэ зүркнэс хар му ухан, аллһн, аля келһн, авальдан өгсн үгэн эвдлһн, хулха, худл, худлар герчллһн болн му келлһн.
20. Эн цуг кү бузрджана, харан уһалго хот идсн – кү бузрджахмн уга.»
21. Тегэд тендэс Иисус харад, Тиран болн Сидона һазрмудар йовж одв.
22. Тер һазрмудас хананеянк күүкд күн харад, Терүнд хээкрэд келв: «Деед Эзн! Давидын Көвүн, хээрлтн намаг! Мини күүк эрлг ик гидгэр зоважана.»
23. Болв Иисус энүнд нег чигн үг келсн уга. Сурһульчнрнь Терүнүр өөрдэд сурв: «Көөчк энүг, юнгад гихлэ эн мана ардас хээкрэд йовна.»
24. Иисус келв: «Би Израилин герин үкжэх хөөдүр илгэгдлэв.»
25. Күүкд күн Иисур өөрдэд, өмннь мөргэд келв: «Деед Эзн! Нөкд нанд болхнтн!»
26. Зуг Иисус хэрү өгв: «Бичкдүдэс өдмг авад нохаст хайсн сэн биш.»
27. Эн келв: «Э, Деед Эзн, болв эзнэ ширэ деерэс унсн өдмгин үлдл нохас иднэ.»
28. Тиигхлэ Иисус келв: «Күүкд күн, чини иткл ик! Тегэд чамд чини санаһар болтха!» Энүнэ күүкнь дарунь эдгж одв.
29. Иисус тер һазр үлдәһэд, Галилеин теңгсүр ирэд, уул деер даваһад харад суув.
30. Терүнүр дала әмтн ирв. Эдн дунд доһлң, сохр, келн уга келкә, эрмдгтә дала улс билә. Эдниг Иисусин кәлд кевтүлв, Иисус цуг эдниг эдгәв.
31. Тегэд әмтн келкә улсиг келжәснь үзәд, сохрнь үзжәснь, доһлңгинь йовжаснь үзәд икәр алң болад, Израилин Бурхиг туурулад бәәсмн.
32. Иисус эврәннь сурһульчнран дуудад эднд келв: «Мини өөр һурвн хонгтан бәәсн әмтнд иддг хот уга болснднь санам зовжана. Эн әмтн йовх хаалһдан муурлго, чинәһән алдлго йовхин төлә Би эдниг хоосар тәвшгов.»
33. Сурһульчнрнь Терүнд келнә: «Иим дала әмт цадхиин төлә эн кәдәд мадн альдас тедү өдмг авхмби?»
34. Иисус эднәс сурна: «Кедү өдмг таднд бәәнә?» Сурһульчнрнь келнә: «Долан

болн невчкн захсн бээнэ.»

35. Тиигхлэ Иисус һазр деер суутн гиж эмтнд закв.

36. Иисус долан өдмг болн захсд авад, Бурхнд ханлт өргэд, хуваһад Эврәннь сурһульчнртан өгэд бээв, сурһульчнрнь – эмтнд.

37. Цуһар идэд цадж. Үлдсн өдмгэр долан зембль дүүрв.

38. Идэд цадснь дөрвн миңһн күн бээсмн, күүкд улс болн бичкдүд эн тоод орсн уга .

39. Өмтиг тэвчкэд, Иисус оңһцд орад, Магдалы гидг һазрур ирж.